

黎縣志

民國五年冬十月

成都黃謙題發

昆明志 286

地 350.101
139

114



10771

10533

新印黎縣舊志序

主部刻

志記也與史乘同義在國爲史在家爲乘在鄉邑則爲志所以廣記載永流傳也志之時義大矣哉民國三年甲寅春 余 權篆寧縣 原名雷州民國改縣是年四月始奉 文經內務部呈准公布更名黎縣 下車之

始即索閱州志不得詢之士紳僉云舊志僅有抄本不知纂自何時前清乾隆間昔人從而增修之得卷五仍未付梓亦不傳姓氏後雖互相傳抄然兵燹數經蠹魚三食二三紳耆家抱殘守缺聞已無完本矣余不禁愀然曰是烏可者家且有乘矧在州邑蓋邑之有志非僅備流覽已也凡政俗禮教聲明文物及一切沿革興替均繫之際此碩果僅存老成猶在因之而綴舊增新拾遺補缺不圖繼美於前但求留待於後尙易集事雖草創之作致誚續貂而墜緒克延直可與高文典冊並重矣事半功倍此之謂歟余不敏既官斯土卽與有責請竭綿薄以率先諸君子當亦樂觀厥成乎衆皆唯唯擬從搜集入手無如荏苒經年藏本終不可得余適因病辭職議遂寢然此心耿耿也茲幸邑紳趙君龍田馬君疇五毅然引爲己任特託在籍盧紳厚山設法搜羅東鱗西

爪勉得全豹又恐抄本零亂得之難而失之易也籌集工費先付排印以立續修之基礎問序於余大哉此舉實獲我心是誠守先待後爲期志絕而復續之重要關鍵也顧或且訾之謂自前清乾隆時以迄於今亟應編輯者不知凡幾而乃概付闕如徒斤斤謀舊本之保存奚爲者殊不知志重創始但能有基勿壞則繼長增高固非異人任也苟及今不圖必以續修相期高瞻遠矚竊恐輾轉遷延反併此舊本而蕩焉無存雖有班馬亦末如之何已故修輯有待母寧注重保存所望自今以始官紳相勗徵文訪獻力圖進行將來鴻編鉅製集成完璧庶不負二君今日之苦心耳余向惟散使之是懼而苦修輯之無從也今值排印告成爰喜而爲之序後有作者當不河漢斯言
民國五年歲次丙辰夏至後二日昆明劉啟藩晴昨識於交涉公署

甯州志凡例

一志者史之一體也陳壽撰三國志則直以志名史矣後世史志分而爲二州縣之書皆名曰志義可從也曰志書則複矣今故以甯州志名焉

一

列朝

聖製煌煌乎一代之大文也

世祖章皇帝訓飭士子臥碑

聖祖仁皇帝孔子贊四配贊二碑理應恭載卷首然以甯州遠在萬里外

睿藻

宸翰未易多得不能獨爲一卷故敬登學校之首

一志爲州志則有事爲天下掌故不專屬之州者或可不載然如科舉之廢興制度之沿革不得謂於州無與也又如文廟從祀諸賢儒窮鄉士子蓋有不能舉其

二

姓字者矣故備載之

一志有總紀一門志之大者也然甯一僻州耳無可紀者故不述

一自前明至今日作志者無慮數千家咸推康對山武功縣志爲第一無異辭也其志官師予奪互用以史職而兼史才道固然耳然如人物志則又有褒無貶毋乃自亂其體例乎雖從衆可也惟是其人尙膺膺仕則存而不論士大夫宦遊家食者亦倣此例

一節孝舊志惟載奉

旨旌表姓氏蓬門委巷青年矢志老死無由上聞者何可勝道庶幾於志乘一見之亦足不朽耳並此泯泯非發潛德幽光之義矣今故悉爲採入

一志乘類抄詩古文爲藝文志不知始自何人是殆未見漢隋唐諸書者也然如登臨嘯咏懷覽歌謠勸懲之義斯存與觀之旨不廢作者實難忍盡逸乎今倣陸氏山東通志例分隸各門而藝文志即附見人物爲其少也是亦識小之一助云

一志傳稱公稱君而不稱名以誌狀體行之武林徐象賢作兩浙名賢錄力辨其非謬矣婦人則稱氏甯都魏和公以爲宜稱母顧其義亦難盡通鄉曲嫠婦絕少命階閨閣淑媛不傳名字今特以某氏書之參互文質斟酌古今庶幾近之一登第隋以下各史皆書某號某年至金史始開一稱干支今則無有以號若年稱者矣復道實難從俗可恥兼用年號干支或亦不悖於古

一八蠻六蠻自古羈縻弗絕明初仿元舊志分設官吏立宣慰招討安撫長官四司雲南五百五十一員甯州土司其一也至國初而祿氏子孫失其職然其先世固有功德於州人州人尸而祝之矣今倣蕭山毛大可撰蠻司合志例採附官師後

一前賢詩文有僞託者有悞編者事關竹帛成何容易如王伯舉重修文廟碑公集不載蓋非公手筆也公自有重修甯州儒學記張方伯劬九書丹趙知府景韓篆額碑版具在而舊志顧佚之又御史張希載樓山夜宿詩亦伯舉集中詩凡若

此者皆不得仍舊以資今人嗤點

一志乘舊例列八景或十二景昉沈休文八詠爲之耳不知其足以盡一州之山水否也蘇氏謂經以道法勝史以事辭勝若此之屬事辭居等何也故不特爲一門一清遠續新成縣志具載小清河建閘詳控文稿蓋以其關係一隅之利害爲甚鉅也甯州甸苴關扛擡將無同今倣其例於建置志附載之案牘入史見笑於大方之家矣

一滇星野有謂屬井鬼兼屬觜參者則史記天官書觜觿參益州東井與鬼雍州之說也有謂屬井鬼者則漢書地理志秦地東井與鬼之分野西南有牂牁益州魏地觜參之分野之說也秦分雍州周合梁於雍滇在梁州之域漢武開西南夷置益州郡滇在益州之域故李元陽雲南舊志謂雲南西北屬井鬼東南屬觜參甯州雲南一隅分之所屬亦微矣遠引天文無關占驗舊志繪圖立說置於卷首今收入地域志亦保章氏遺意也

一史志秉衡史漢者尙核取義公穀者貴簡分道揚轡未易軒輊然如甯州天末一彈丸邑前明始隸版圖故事無徵軼文不見即使世復有郭造鄉其人以十年募府之力搜羅天下書志略備其涉於甯州者無一二也若乃纂組爲富駢驪自多懸千金以購一字祖兩京而祧三史則又劉知幾所謂有學問文章而不知史事者矣寧簡勿賅不得不爾

一志水舊例於某水逕某地納某某水第舉方名如納東南諸山澗水納西北諸山澗水云云非紀實之書矣雖州人命名多不雅馴然攷遂安方渭仁封長白山紀具載所歷地名閱者至不能句讀而通人不以爲病也故今皆倣其例爲之至於志山舊例云在城某方若干里核矣然州之山崎嶇多岐不能正其道里也故舊志有者仍之無者則闕之至於高廣尺仞雖古人有量影之法然如泰山爲五嶽之長彰彰在人耳目而漢官儀及泰山記謂自下至古封禪處凡四十里山海經則謂從山自下至頂四十八里三百步唐六典又謂周百六十里高四十里其

四

實一十四里零八十步耳况一邱一壑之在偏隅者乎雖略之無害於義矣

一典雅文家所貴然如知州之稱爲郡守州牧學正訓導之稱爲廣文非不典也而今之州非郡也知州非守牧也學正訓導非廣文也清一代之制度矣又如江河之大者甯州山水皆取名焉於義爲乖然盡改之恐按圖經而來遊茫然不得其處矣故如龍珠河之改巔富溪落海村之改爲落海村易富之改爲義富華兮之改爲化熙雖云免俗皆不敢從若孤山馬耳山之名乃真大雅矣舊志乃云俗名何也

一舊志分門十八今以十志統之曰地域曰山川曰建置曰祠祀曰田賦曰官師曰人物曰選舉古蹟曰災祥沿革星土疆界道路則入地域城池官署倉庫市肆院所關哨則入建置而扛擡附之戶口積貯鹽稅官租則入田賦而經費餘款附之壇廟學校書院義學經籍則入祠祀而學租田膏火田卷金田附之皆各以其類焉其有十志所不及載者則別爲雜綴志之庶幾事增於前文省於後

一史志重創始後人踵事增華遂忘其初昧椎輪之義矣惟甯州志不知始自何年并作者姓氏亦無由表見不得不附闕如之義

地域

沿革

古 昫町國屬 唐虞 南交味谷之交 夏 梁州域 商 梁州域 周 雍州域 楚 滇國屬 秦 滇國屬 漢 牂牁郡屬 益州郡屬 新莽同亭郡屬 後漢 益州郡屬 季漢 益州興古郡屬 晉 益州屬 寧州屬 益州屬 梁水郡梁水縣 宋 寧州梁水郡梁水縣 齊 寧州鎮梁水郡梁水縣 梁南寧州屬 陳 沒於蠻 隋 牂州屬 西寧州屬 雋州屬 唐 南寧州都督府西寧州 武德七年分置西寧州

南甯州都督府黎州 貞觀八年改西寧州為黎州天寶末沒於蠻號浪曠蠻語謂旱龍也步雄部 後梁 裴蠻據 後唐 裴蠻據 後晉 裴蠻據 後漢 裴蠻據 後周 裴蠻據

據 宋 裴蠻據 元 大理國南路甯部 甯海府

元憲宗三年命太弟與兀良合台征雲南五年諸部悉平得五城入府四郡三十部立萬戶府十有九 雲南行中書省臨安路甯州 至元十二年改甯海府為甯州領通海 明雲南承宣布政司臨安府甯州 洪武十五年改諸路為府 本朝 雲南布政使司臨安府甯州 改通海嶠峨二縣屬府

星土

甯州參益州東井與鬼雍州 史記天官書 秦地東井與鬼之分野西南有牂牁越雋益州皆

宜屬焉 前漢地理志 自畢十二度至東井十五度為實沈於辰在申魏之分野屬益州自東

井十六度至柳八度為鶉首於辰在秦之分野屬雍州晉天文志

疆界道路

東至彌勒縣界六十里南至建水縣界七十里西至河西縣界四十里北至江川縣界五十里東南至阿迷州界八十里西南至通海縣界三十五里西北至江川縣界五十里東北至河陽縣界九十里

七鄉

備樂鄉附郭 盧于鄉至城七十里 路居鄉至城七十里 貴墳鄉至城七十里

易富鄉至城一百里 婆兮鄉至城七十里 曲江鄉至城九十里

十方即在七鄉內

壩心方 龍畝方 桑岩方 西酒方 馬鞍方

鎮江方 蛇街方 三小方 小山方 官租方

西撒簡李得保峭爲前門海門橋普廟爲後戶清水塘鸚鵡嘴爲左右鎖鑰鸚鵡嘴在城西九十里昔設千戶所

備樂鄉

甸尾 準提菴 魚池 上龍洞 下龍洞
大墳 新田 三家寨 泥則勒 大木克
五祖 小寨 太平街 菜園 昔恒山

扯開比 龍潭 松子廠 大小者黑 格寨
那斤 路祖 者味田 新寨 祭祀壇
張家墳 歹(一)左 大路勒 小路勒 黑矣
住姑得 母姑得 阿可所 則楚 姑六得
洒蠟 蠟把比 矣則 上摧白 右所
王馬村 上村 下村 青龍潭 窰上
高茶寨 西家冲 楊家寨 三家寨 黑普寨
普沼 鹽塘 西期冲 孫家塢 烏刁村
者扇墓 小沙河 大馬達 小馬達 小寨
上高田 下高田 尹家墳 黃豆地 母祖
矣勒 老賴冲 四家 過革 已馬墳
已墳 平田 小新寨 業者 牛圈房

城內	麥冲	甸苴關	高坡	白久寨	手搬岩	上拖卓	阿已勒	小白廠	阿野寨	馬鞍山	六領莊
	蕭家營	麻栗灣	得冲	張家墳	五祖	下拖卓	九甸	大鴉洗	老孔寨	四家村	顧家營
	郭家營	楊柳壩	馬家灣	大平地	小寨	乍蚌	三岩	小鴉洗	石頭寨	漢羅味	普家營
	冲麥	小路那	大四	高寨	登樓山	竹箕	小平地	恒白	麻栗樹	棚皮寨	白沙溝
	前所	石岩峭	梅子舖	泥沮寨	溝埂	竹箕街	馬蟻寨	老馬寨	富母土	者羊寨	頭髮簪

官租鄉

虎街子	羅摺	慕發	拖果	舍達	上糯節	大安樂	山羊母	以乍	新城	四脚村
大莊	矣得	紅石岩	下舍普魯	本左池	下糯節	格崩竜	新村	土老衣	茂地村	小山
小莊	黑阱哨	大龍潭	慕洒	拖紅甸	大平地	小得勒	馬衣達	呼特	老里阱	山口
下上海湖莊	養牛寨	阿別處	馬鞍山	朱家寨	發基	大得勒	發白勒	莫不冲	以過恒	召保冲
馬料莊	普蘇魯	西克勒	桑岩	山後	卓味	則勒	小安樂	莫密	中村	龍畝

路居鄉	上營	悉純屯	舊州	鄉老村	衛官營	虛于鄉	大開門	興龍村	塘子	龍泉莊	小魚莊
	中營	鉢孟冲	伏家營	白塔營	瓦倉營		味五	鴨蛋村	矣馬村	畢家莊	伏家營
	高坡	義廣哨	鉢孟屯	楊綠村	大魚村		假舍	李蒲塘	三家村	臘月保寨	黑龍潭
		義廣	牙口屯	虎街子	謝家營			黃家莊	泥母得	小山	金家莊
		甸苴關	葫蘆屯	戚官營	梔槽營			姚家村	計多	新村	古城莊

歇白底	路母底	小龍潭	龍潭	馬占田	魯期克	阿紀黑	貴填鄉	新村	東西海邊	施家營	甸頭
萬家楚	西洒簡	河邊	法底	嚮水	拖底	拖期		杏紅村	立五村	官莊	甸心
黃草嶺	籠總白	路章	平寨	上寨	得糯	新改田		阿堪村	洪家營	祿豐村	甸尾
西山竜	西瓜地	獨家村	樂舍革	下寨	中寨	拖白		大街	河上村	新街子	張家營
所居格	甫甸	期黑	燕窩	樹密樂	苦收寨	暮舍白			木耳村	紅泥寨	龍潭村

紅期車	以則	所梅沼	新寨	發味
法土坎	法干	麻栗樹	大栗樹	紅石岩
上新莊	基左村	大暮車	路麥喜	以納沼
阿路本	興家寨	以納冲	康克敬	新寨
阿六寨	以白泥	者得	舍母多	小寨
里合寨	以白甸	山期	法古得	起側
馬六塘	者紅寨	打馬坎	阿本左	倘他得
籠橋管	得宜	班毛坪	大平潭	阿味
松子廠	新寨	趙家墳	蓮花塘	分水嶺
永富寨	得基	樂梅村	臘把康	母罷冲
紫茂龍	土官莊	革勒	味五	路口末
馬螂	罷口	羊頭山	總多	拖卓

了祖節	魚革	暮左魚	上哨樂	馬革鑑
普祖寨	平地	小新寨	上下鐵革	宜松古
老納冲	朱家莊	阿擺寨	白魚寨	白龍潭
阿朋寨	大寨	西栖冲	樂拆	
易富鄉				
街上	沙鍋村	茂地村	舍陰村	新寨
矣甫	新寨	舊寨	清水溝	清水塘
新寨	大樹多	母姑竜	天保冲	臘把曠
騰龍箐	二娘寨	中寨	新寨	細土
下抄白	拖白	舍得	白菓山	虛樂
城門洞	洒西里	蘇家寨	矣馬白	普蘇魯
舍達母	納果村	稗子溝	三家寨	二利竜

連兮鄉

上磨沙塘	中磨沙塘	下磨沙塘	各納甸	大眼倉
螺螄塘	葉紅寨	上寨	龍樹	水頭寨
大寨	方納	馬街子	大小甸頭	小平地
溫水塘	新寨	永興寨	小寨	冷墩寨
大荳莊	小沙馬洞	兔頭	李家寨	白泥塘
邦乃寨	灰土寨	發果	挑江寨	平地
馬家冲				

曲江鄉

糧納寧州戶屬建水

風俗

備樂鄉士民安樂風俗純厚舊志
虛於鄉苦讀勤耕率直尚簡舊志
路居鄉地狹民稠力業崇儉又
貴墳鄉漢少夷多有耕希讀又
易富鄉漢夷雜處耕讀各半又
連兮鄉四方雜處農未相兼又
士人知讀書能文章
農夫佃田而耕家無宿糧山中夷人力作如馬牛儉歲雜食草木根皮
工匠不能作淫巧
商賈無素封家

孟春月元日昧爽祀神祇祖先謁諸神祠及旦家人稱壽戚里相拜賀七日內擇吉迎

女歸寧上元夜通街張燈放火炬爲秋千戲祠廟中以通脫木雜綵繪作人物仿戲曲故事引以機動以火謂之燈人亦謂之燈樹十六日夜婦女盡出燃香路旁或城隅橋邊而返謂之走百病

仲春月二日農人祀土地神三日士子祀文昌星辰日祀龍鄉村有水泉處祀於泉上無則擇大樹下祀之恩永泉龍神祠喧闐甲一州

季春月三日詣土主廟醉尸飲福度曲徵歌清明日插柳於門有寒食者墓祭則插柳墓上以懸楮帛二十八日祀城隍神

孟夏月八日作浴佛會立夏日圍灰墻脚閒

仲夏月五日懸蒲艾於門繫五色綵縷於小兒臂食角黍及芽豆有荆楚遺意惟艾不作虎形角黍謂之粽子

季夏月朔日至六日禮南斗六日曬衣二十四日牧兒祀土地神吹牛角二十五日剝生飲酒雜生肉諸菜以蒜劑之謂之剝生夜燎松炬高丈餘謂之火把照屋與田強

有力者各持出郊外平曠處相撲較勝負是爲星回節土人謂之火把節

孟秋月七日子祀奎星七夕乞巧織女星兒女於月下穿針或浮針於水上視其影仲秋月中秋夜陳糕餅瓜果祀月祀畢聚飲月下歡呼達旦

季秋月朔日至九日禮北斗九日登高飲菊花酒十三日祀漢前將軍

孟冬月朔日墓祭

仲冬月長至日朝闕相拜賀

季冬月八日畜臘水作醬二十四日設餠餠糍餌祀竈除日易桃符春帖辭歲家長散家衆壓歲錢熬爆竹醯醢石圍火爐守歲立春先一日迎春萬松山老稚往觀至期鞭土牛分取其土置六畜之中謂之搶春牛

氣候

城中冬溫夏涼恆多佳日山中雲深易雨時有寒意湖鄉氣候和平不殊山城惟變兮華兮沿江一帶每苦炎熱隆冬雪少木葉不凋瘴氣則城鄉皆閒有之多在夏秋之交

久晴乍雨之後舊志云無瘴不足取信

物產

梁之屬有稷 黍 一名黃米

粟 一名粟穀

麥 一名來麥俗名小麥

大麥 一名

稗子有

稗鴨掌
稗二種

附雀麥 一名燕麥

附玉麥 一名玉秫
一名玉高粱

蜀麥 一名秫
一名高粱

附穉子

火麻

苳麻

縹麻

附脂麻 一名芝麻 一名胡麻
一名巨勝

稻之屬有稭有糯稭即秔稭之小者謂之秈有早中晚三熟秈早熟秈晚熟有水稻旱稻南方土下泥多宜水稻穀之大小不同芒之有無長短不同米之赤白紫烏不同味之香否質之堅軟不同南人以食稻爲主專名爲穀猶兆人之名粟也

菽之屬有黑豆

小黑豆 一名黠豆

黃豆 白豆 一名飯豆

菹豆

赤小豆

一名赤豆
一名紅飯

豆俗名
老鼠豆

豌豆 一名胡豆
一名戒菽

蠶豆 一名南豆北人以爲蔬南人食之培於麥土肥
年豐則有豆麥雙收之慶故名列之於菽屬

附野豌豆

一名翹搖俗呼馬豆馬食之則肥與戒菽等

蔬之屬有薑 椒 番椒一名秦椒俗名辣子 茴香 葱 韭 蒜 薤 芥 芹水旱二種 蘆荊

蘿藦紅白二種 附黃蘿藦一名蒿子蘿藦 薑臺菜俗呼油菜 麥蘭菜 山藥有山雲板象腿三種 諸預紅

二種 菠菜 白菜 青菜 生菜 薤菜同蒿 冬瓜 南瓜俗名麥瓜 黃瓜 菜瓜一名生瓜

絲瓜 苦瓜詩所謂有敦瓜苦者是也北人以爲菓謂之錦荔枝癩前南人惟以爲蔬耳 白土瓜 紅土瓜 葫蘆 瓠子

茄子 豇豆 藕豆一名茶豆 刀豆 地豆一名四季豆有紫白二種 甘露子 藟 薤 苦菜

蘇 薇 藜藿 芋亦名薯蕷俗呼爲玉頭 藕 慈菰 此外有棠梨花 苦茨花 老鴉花

羊肚菜 羊奶菜 樹頭菜 苦樹尖 草薺 棉花 園 雞攪雖非蔬屬其實皆嘉蔬也

菓之屬有梅刺鹽二種 杏 桃有十數種以路居鄉裏紅桃爲最 李有數種以金河爲最 梨有十數種以父母土木瓜梨爲最養牛寨馬尾紅次之

林檎有酸甜二種甜者俗名花紅 櫻桃有甜苦二種 石榴有甘酸二種甘者花有紅白子有大小紅綠銀之不同 柿 軟柿一名軟棗

橘有圓扁二種 柚 佛手柑 橙 香櫞 栗俗稱板栗 榛俗稱棗栗 松子 核桃 銀杏 木

瓜 蒟蒻 楊梅 橄欖本名餘甘子土人謂之橄欖味亦如之 棗只糠棗一種 葡萄 西瓜少有不佳者種亦不佳 甘

蔗產粵兮鄉者爲天下冠 附糖 糖稀 落地松一名落花生 蓮 菱

禽之屬有雞 鴨 鵝 鴿 燕 雀 烏慈白頸大嘴三種 鵲 鷹 鷄 錦 野 鴨

鴉一名鴛鴦俗名恨鴉 雉 鳩有草珍珠二種 春庚鳥俗名春喜 冬鳥 鷓鴣 鸚鵡 畫眉

白頭翁 黑頭翁 長尾郎 拖白練 杜鵑 鵲 布穀一名鳴鳩一名戴勝 鷦鷯一名巧婦

鴛即啄木官 火雀 鳬一名水鴨俗名野鴨 鷗 翡翠 鸞 鸛一名青鸛 水鳥 鷓鴣 信天翁

獸之屬有馬 驢 騾 牛水黃二種附乳餅酥油 羊有家山二種 豹 熊 岩羊 毫豬 狐狸

麀 犴 兔 松鼠 猴

鱗介之屬有金魚 鯉 鯽 青魚 花魚 馬魚 鮎魚 康寶魚 白魚 雪魚

細鱗魚 黑魚 黃鱔 鰱 鰕 蚌 有海山二種

昆蟲之屬有蟬 螳螂 蟋蟀 螻蛄 蜜蜂 蟻 蚱蜢 蝴蝶 蜻蜓 金鳳雀 蟾

蜥 蛙 蝟虎俗呼蒼蠅老虎 蜘蛛 蚯蚓

花之屬有梅 杏 桃 櫻桃 海棠 桂 李 蠟梅 扶桑 夾竹桃 婆羅蜜

馬纓 木芙蓉 杜鵑 蕙 珠蘭 牡丹 芍藥 玫瑰 酴醾一名木香 菊

七月菊 水仙 白玉簪 紫玉簪 繡毬 金錢 金銀花 剪春蘿 百合山丹

小白鶴花 金雀花 石竹 十樣錦 轉枝蓮 荷 馬蓼一名水蓼 長春花

卉之屬有菖蒲 芸香 芭蕉 美人蕉 秋海棠 鳳尾艸 虎掌艸一名虎耳艸 象

蹄艸 瓦松 苔

木之屬有桑 梓 楷 俗名黃練頭 松柏 杉 椿 檮 梧 桐 棠梨 冬青一名

女貞 楮 槐 柳 楊 黃楊 黃栗 水冬瓜 鴨掌木 紅豆樹 棕桐 藤

竹 有紫竹鳳尾竹筋竹綿竹几竹 茶 味似武彝山產 附煤 粽竹苦竹刺竹蘆竹水竹茶竹

藥之屬有沙參 元參 紫參丹參 菊花參 黃精 狗脊 石斛 菖蒲 甘菊

天門冬 麥門冬 旋覆花 百部 林梗 齊薊

文集

三影齋家藏

題張御史夢鶴軒并引

沐琮

夢之靈異兆於人也昔人母有夢雲霧長庚麒麟鳳凰玉筋大祿而孕者惟張九齡母夢九鶴自天而下集於庭遂生九齡爲唐賢相流芳青史今張廉憲問夫人所夢與九齡母脗合意者有異兆也果生賢子名西銘字希載賀者曰張氏其後與白鶴也其徵白希載其家之祥國之禎乎遂以夢名其軒夫鶴仙禽飛凡翼可比夢徵張氏而賦不凡之子蓋自其積德之深而流源之遠也乃書以贈之一以私吾縝有人才喜一以爲國主得賢臣賀其詩曰君家陰德川源廣上天賜報真不爽祥兆一夕相感通吉夢來生雲母幌夫人夫人倚枕時的見此青田姿白雲爲兩丹如頂自天下集軒之墀依稀而正發昂莊貌又被鄰雞忽驚覺一朝產何靈異雛天成不待嚴師教雛成振如冲霄冲漢海天萬里隨翔翺飲天漿兮食天饌友羣鳳兮聲九臯一飛千里過遼海奮入南畿佐真宰眼前燕雀羞同儔到處鸚鵡仰豐采我爲作歌歌匪迂漆園老叟化蝶空

十五

遼遼今來古往疇可符肯容九齡之母專美於前白

觀德亭記

曹安

國朝建立天下學校有廟廡以奉祀有堂齋以施教有射圃以習射蓋通制也寧州有學曰未有射余來署州之明年拓學地百五十步辟荒去礫作亭於中區曰觀德以爲習射之所固成州守侯安請記於石以告後人夫男子之生桑弧蓬矢志在四方射誠男子事也天下異事則用之於禮義故有大射鄉射之禮所以習客習藝觀德選士天下有事則用之於戰勝故主皮逞力所以禦武克敵然觀書曰庶頑譏說茹不在時候以明之詩曰登被有的以祈爾爵而朝子射於瞿相之圃觀者如堵求點揚鱗而語序賓以賢序賓以不侮則以禮爲教會射其何以哉自今遊於學者遵朝廷之物諷聖賢之言聆官司之誨歲時朔望習可不廢進退周旋動必中禮內志正外體直持弓挾矢審固以求其中德行於是乎觀禮義於是乎舉其爲益不既多乎苟徒爲觀美不思因是而反求諸身非君子之所爲故書其由刻碣於石二三子尙觀而勗之焉

趙公祠碑記

趙玉麟

昔唐淮蔡之役都統爲韓宏軍鋒爲季光顏出奇爲李愬血戰不遺餘力而蔡州平當裴晉公度以中丞建新義之節實撫綏之事集強師武臣力而伐叛柔服紹明天子之德意使蔡人曉然知順逆卒之兵不血刃市不易歸元惡就誅而士民安堵婦子老幼式歌照舞則晉公之爲也晉公歸而相唐身係安危至數十年則蔡之所尸祝而不衰者也今

上御極之三年安坤以水西叛滇黔道梗詔討之越二年始平將凱旋滇東諸土目素安忍阻兵不逞者復鼓煽之遂相約爲變人簡師東下我西通常漢土之界師之入實由之方事之殷士若民望風逃避莫必其命彼時固山則何公總戎則馬公副都統則高公久書畫賊指掌不啻唐韓宏李光顏李愬輩而台憲趙公奉

命爲諸將軍節求分別至石曲相全活嚴勒諸吏士不得歸焚掠卽與彼相連者予戕渠有脅不使一無幸誤觸兵鋒公之於我西通洵起死人而肉白骨也韓子所謂蔡之

十六

本夫投甲呼舞蔡之婦女迎門笑語茲實似之公風今者之晉公乎是以紳衿安於庠序賴公以禮綏之商賈安於市婦賴公以惠柔之農夫安於耕鑿公則除苛蠲賦以招徠之部落狃於干戈公則息黥補劓以化導之即難民男女爲諸軍係累者數千百人公則一一開釋保全至今喁喁保聚老幼蔚爲樂土秋毫皆公賜也凡滇以東俱受更生之賜而我西通之受賜尤深閱今幾三載西通土落民感戴不忘如一日家置一牌以祝公之九如十有蓋痛定思痛未能旦暮忘昔之危也則未敢旦暮忘公之德也今年祈父老子弟鳩材命工人爲畏壘而祝公千萬歲之壽爰勤瑱珉以誌不朽云公請廷標字叔文時爲分巡安普道因繫之以銘其醉曰赫赫天討殺伐是需我公所至用厥撫綏馬不跡畝士不燬廬招民釋本無鬼烏烏壺漿篚筐載道奔趨商賈在市農人安居越三年後憶其眉鬚乃文乃武德與功俱豎祠鐫石志幼歡呼惟千百歲愛戴非靈

閱藏經說

王元翰